


粗擬伊犁辦法



1865年169
939





祖師伊華解法

書
號
函 1 冊
登錄號 2807



一閒員

閒員不去參革而已參革不去遞解而已遞解
往往逗遛藉故遞稟牽引他事輒稱冤抑以冀
免其遞籍或仍解回備質則得逞其所欲種種
刁詐惟

宮保作主嚴飭各地方官凡遞解過境者不准

逗遛既經奏奉

諭旨革職有案之員狡辯誣訐均不准理則庶幾刁

健可斂跡矣

一游勇

或安置或遞解遞解必須派妥員照料或沿途
防營接遞押送而押送之際仍須寬嚴互用不



得激釀事端

一哈薩克

該哈薩克既寄居伊犁察哈爾額魯特兩游牧

境內則應仿照塔城哈薩古特之例編為佐領

分隸察哈爾額魯特兩領隊大臣管轄以資鈐束

一屯田

查富護將軍奏報伊犁旗屯僅存三萬八千

餘畝按輪年歇種實只得一萬九千餘畝為數

雖少然不可不辦至經費查伊塔道庫存儲銀十

萬兩前因伊犁裁勇補發欠餉每年暫行動用

銀五萬兩今裁勇事竣可否懇請

暫准動用以資試辦應需數目須抵伊犁方能估計

一索倫

索倫自乾隆年由黑龍江移來即為伊犁驍健
之兵當同治年伊犁回匪變時該官兵屢次血
戰均極出力並同治三年因俄人爭界以兵脅
戰該官兵與俄接仗獲勝至今俄人憚之 前
將軍長清曾將戰績入

告有案伊犁失後該官兵以一半人守伊犁一半
人繞由俄國至塔城之葦塘子欲回關東曰
國家如果不要新疆我等徒步亦回黑龍江決不
為隨賊隨俄羅斯之人其忠義可取如此所過
俄境俄人供其口糧不敢阻攔今該索倫左翼
之地分歸俄國。在伊犁副都統任時曾與

前署將軍錫	會商擬將已裁巴彥岱滿營所	餘之地撥給索倫耕種而	錫署將軍旋即交	卸。亦奉	旨調藏此事遂寢今	富護將軍已將旗地分給兩	縣一半則巴彥岱之地是否仍在與能否撥給	索倫耕種猶未可知
-------	--------------	------------	---------	------	----------	-------------	--------------------	----------

一額魯特	額魯特上三旗之地均已分歸俄國其上三旗	人戶刻皆寄居下五旗境內。擬到任後查勘	下五旗能否安插隨時酌辦但該下五旗仍須	留出安插哈薩克之地只要兩縣不再侵佔則蒙	賜大矣
------	--------------------	--------------------	--------------------	---------------------	-----

一城工

前於致

魏護中丞函內已云非敢於兩縣境

內另求佳壤量人數多寡就地形稱經費築之

蓋恐慮及經費不敷另築致多瞻顧耳伊犁惠

遠城滿營舊額官兵四千六百餘員名今合軍

標滿漢兵額三千兵數既少則城制似可略小

小則易守又儘重要之工先辦餘可緩辦城樓

衙署但求堅固不尚雕飾則工可省而款亦能

勻出矣至已建之署所用款項。已覆魏護

中丞侯。到烏彼此設法請銷決不令午翁

為難其署即留為公用昨於周子岩觀察

鍾遠山領軍西出時亦浼代言他日或作通商

衙門或作四領隊公所均無不可

古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室